

ut det tales attestaciones, vel debeat pendere ab arbitrio vicarii capitularis.

VII. An in concursu parochialium debeat intervenire arbitrium vicarii capitularis, vel debeat pendere ab arbitrio capituli, facto concursu, in præsencia capituli, vel in absentia, et an debeat attendi consuetudo regni, in casu, etc.

S. C. C. die 1 Decembris 1756, respondit: Ad I, negative; ad II, negative quoad primam partem, et affirmative quoad secundam; ad III, negative; ad IV, provisum in tertio; ad V, negative quoad primam partem et affirmative quoad secundam; ad VI, negative; ad VII, affirmative quoad primam partem ad formam juris. In reliquis negative.

206. URBEVETANA, in qua ad seq. dub.

I. An camerarius, alique officiales rev. fabricæ S. Mariæ de Stella cathedralis ecclesiæ Urbis Veteris teneantur subministrare episcopo ejusdem civitatis suppellectilia, et paramenta sacra necessaria pro celebratione Missæ tantum in suis domesticis capellis, seu etiam pro aliis ecclesiasticis functionibus ibidem peragendis, in casu, etc.

II. An eidem episcopo sint subministranda suppellectilia, et paramenta sacra extra civitatem Urbis Veteris occasione sacræ visitationis, aliarumque ecclesiasticarum functionum explendarum pro sua diocesi, et quatenus affirmative.

III. Cujus qualitatis debeant esse dicta suppellectilia et paramenta sacra, in casu, etc.

S. C. C. die 19 Januarii 1757, respondit: Ad I, affirmative; ad II, negative; ad III, esse debere qualitatis decentis gradui episcopali.

207. CASTRI MARIS, *Servitii chori*, in qua ad seq. dub.

I. Ad edictum episcopi promulgatum die 4 Januar. 1756, prohibitivum discessus absque sua licentia in scriptis quoad dignitates et canonicos, sustineatur, in casu, etc.

II. An saltem canonici gaudentes vacatione, ejus tempore durante possint impune discedere, et abesse, in casu, etc.

Sacr. cong. Conc. die 4 Martii 1757, respondit: Ad I, affirmative, pro discessu pernoctandi extra diocesim, moderata tamen pœna in ducatis duobus; ad II, affirmative juxta decretum in Jadren. 9 Maii 1626, et ad D. secretarium juxta mentem.

208. RAVENNATEN. *Applicationis Missarum*, in qua ad seq. dub.

I. An pro legato juliorum decem, et solitæ ceræ relict. per Michaellem Angelum porcharium ven. capellæ SS. Conceptionis in eccl. RR. PP. S. Francisci Terræ Argentiæ in die illius festivitatis teneantur iidem FF. celebrare, et simul applicare Missas, juxta intentionem patroni, et in quo numero, in casu, etc.

II. An fratres prædicti teneantur celebrare, et respective applicare Missas in antea actis non applicatas in die præfate festivitatis, in casu, etc.

III. An subministratio candelarum occasione supradictæ festivitatis sit faciendâ a patrono in certa quantitate, seu potius illa resideat in ejus arbitrio ac devotione, in casu, etc.

IV. An fratres præfati teneantur reponere in antiquo loco dictæ capellæ stemma familiæ de Martiis illius antiquæ patronæ, nec non antiquam lampadem, aliaque suppellectilia olim facta ab illius patronis, in casu, etc.

V. An dicti fratres possint ad eorum libitum amovere ab altari, ejusque proprio loco statuam beatissimæ Virginis, itemque crucem, et candelabra insimul allegata dissolvere aliaque sacra suppellectilia a patrono pro usu dicti altaris, alio asportare invitis iisdem patronis, in casu, etc.

VI. An constet de attentatis, in casu, etc.

Sacr. congreg. Concil. die 17 Augusti 1757 respondit: Ad I, negative; ad II, provisum in primo; ad III, servandum esse solitum; ad IV, negat. in om-

nibus, sed licere hæredibus reponere propriis sumptibus; ad V, quoad crucem, et alia suppellectilia sacra negative: Quo vero ad statum B. Virginis, affirmative, petita prius, licet non obtenta licentia a patrono; ad VI, negative in casu, de quo agitur, et amplius.

209. CASERTANA, *Capelliarum*, in qua ad seq. dub.

I. An quatuor capellani quondam Jacobi Landulphi ecclesiæ receptitiæ SS. Corporis Christi civitatis Magdaluni ad instar antiquorum capellano- rum competat beneficium vacandi a celebratione unius Missæ in singulis hebdomadis.

II. An iidem quatuor capellani impediti ex causa adversæ valetudinis teneantur supplere per alium in Missis adimplendis, ac in canendis Horis canon., in casu, etc.

Sacr. congreg. Conc. die 14 Decembris 1757 respondit: Ad I, negative, quoad celebrationem juxta mentem fundatoris videatur particulariter; ad II, negative.

210. TUSCULANA *Reparat. ecclesiæ*, in qua ad seq. dub.

I. An reparatio ecclesiæ S. Mariæ de Vivario sive S. Rocchi civitatis Tusculi ad formam decreti Sac. Visitationis factæ ab eminentissimo episcopo spectet ad communitatem, sive potius ad capitulum cathedralis ejusdem civitatis; et quatenus negative, quoad utramque partem.

II. An pro dicta reparatione sit locus impositioni taxæ solvendæ a parochianis et populo civitatis, in casu, etc.

III. An reparatio et expurgatio respective quatuor sepulturarum existentium in dicta ven. ecclesia, ac inservien. pro laicis adultis fieri debeat sumptibus dictæ communitatis, sive potius dicti capituli, in casu, etc.

IV. An reparatio et expurgatio aliarum duarum sepulturarum pariter in dicta eccles. existent. et inserv. pro pueris et sacerdotibus fieri debeat sumptibus capituli vel archipresbyteri, sive potius communitatis, in casu, etc.

V. An refectio et mantentio sacerarum suppellectilium et utensilium in sacristia dictæ ven. Ecclesiæ spectet ad capitulum, et archipresbyterium, sive potius ad communitatem, in casu, etc.

Sacr. cong. Concil. die 11 Januarii 1758 respondit: Ad I, affirmative quoad primam partem, et negative ad secundam; ad II, provisum in prima; ad III, IV, et V affirmat. quoad primam partem, et negat. ad secundam.

211. CASSANEN. *Cathedratici*, in qua ad seq. dub.

I. An episcopo Cassanen. debeatur cathedraticum per parochos et beneficiatos Italo-Græcos, et beneficiatos atque clericos de communibus Græcarum Ecclesiarum massis participantes, et quatenus affirmative.

II. A quo tempore idem cathedraticum debeatur, in casu, etc.

Sacr. cong. Conc. die 8 Februar. 1758 respondit: Ad I, affirmative; ad II, deberi a tempore novi edicti per episcopum promulgati.

212. FULGINATEN. *Jurisdictionis*, in qua ad seq. dub.

I. An laudum, de quo agitur, sit exsequendum, et quatenus negat.

II. An jus indicendi concursum, et præeligendi digniorem in vacationibus ecclesiarum parochialium diocesis Fulginaten. de quibus agitur, spectet privative ad episcopum.

III. An jus conferendi dictas ecclesias parochiales simpliciter spectet ad eminentissimum abbatem, in casu, etc.

IV. An jus cognoscendi causas criminales, civiles, et mistas competat privative episcopo, seu potius eminentissimo abbati, in casu, etc.

S. C. C. die 1 Martii 1758 respondit: Ad I, negative; ad II, affirmative; ad III, collationem spectare ad eminentiss. abbatem, salva institutione auctorizabili episcopi; ad IV, spectare cumulative cum episcopo ad eminent. abbatem, præter quam quoad causas criminales, et matrimoniales, aliasque concernentes curam animarum.

213. TUSCULANA, *Reparationis eccl.* in qua ad seq. dub.

An, et in quibus sit standum, vel recedendum a decisio, in casu, etc.

Sacr. cong. Conc. die 1 Martii 1758 respondit: Quoad I, II, et III in decisio; ad IV, in decisio quo ad sepulturam sacerdotum, quo vero ad sepulturam puerorum spectare ad communitatem; ad V, prævio recessu a decisio, spectare ad communitatem.

214. BISACIARUM, in qua ad seq. dub.

I. An capitulum cathedralis ecclesiæ Bisacien. teneatur singulis annis in festivitatis Nativitatis SS. Domini nostri tradere episcopo strenam in summa ducatorum decem.

II. An eidem episc. debeatur cathedraticum ab ecclesia cathed. sive capit. Bisacien.

III. An idem capit. teneatur solvere cursori curiæ episcopalis accedenti ad civitatem, et loca diocesis Bisacien. pro negotiis ejusdem curiæ expensas, seu ut vulgo dicitur, *il Pedatico*.

IV. An capitulum dictæ cathedralis episcopo eandem ecclesiam visitanti teneatur solvere procurationem, et an teneatur tam pro illo, quam pro convisitoribus, aliisque ministris, ac famulis parare habitationem.

V. An episcopus teneatur ad restitutionem tam victualium, quam pecuniarum exactarum in visitatione anni 1756.

VI. An censura læta per episcopum occasione ejus accessus ad civitatem Bisacien. mense Aprilis anni 1757 sustineatur.

VII. An episcopus pro multis teneatur deputare depositarium in civit. Bisacien.

VIII. An decimæ debeantur episcopo a capitulo d. cathedralis Bisacien. pro medietate, vel potius in quarta parte.

IX. An idem capitulum teneatur dare in festivitatis Purificationis B. M. Virginis cereum episcopo absentis.

X. An et quomodo sit servandum edictum promulgatum ab episcopo super declaratione habitus talaris, in casu, etc.

S. C. C. die 15 Martii 1758 respondit: Ad I, negative; ad II, affirmative; ad III, negative; ad IV et V, dilata, et reproponatur in una cum dubio: An episcopus teneatur aliqua parte anni residere in civit. Bisaciarum; ad VI, negative; ad VII, affirm.; ad VIII, affirm. quoad primam partem juxta solitum, et negative quoad secundam; ad IX, affirmative; ad X, affirmative moderata pœna in uno ducato tantum circa approbationem limitationis, et amp.

215. CÆSENATEN. *Onerum Missarum*, in qua ad seq. dub.

I. An celebratio Missæ injunctæ ex præcepto Joseph Verzaglia testatoris in die sui Anniversarii, fieri debeat duntaxat in aliquo altari privilegiato existente in ecclesia conventus ordinis Servorum B. M. civitatis Cæsena, seu potius in singulis altaribus privilegiatis omnium aliarum ecclesiarum dictæ civitatis et quatenus affirmative quoad secundam partem.

II. An dictarum Missarum numero, qui celebrari debet in omnibus altaribus privilegiatis dictæ civitatis, satisfieri valeat in solis geminis altaribus ecclesiæ dicti conventus.

III. An celebratio aliarum duarum Missarum similiter ordinata ab eodem testatore in qualibet die solemnitatum festivitatis B. M. V. ac ipsius sanctiss. Filii Jesu fieri debeat duntaxat in duobus festis solemnibus B. V. Septem Dolorum, neque

in tertia Dominica Septembris, et in feria sexta post Dominicam Passionis, seu potius in omnibus solemnitatibus dictæ SS. Virginis, et Domini nostri Jesu infra annum occurrentibus.

IV. An omnium dictarum Missarum onus adimpleri debeat per solum decennium, sive potius in perpetuum, in casu, etc.

S. C. C. die 14 Jun. 1758 respondit: Ad I, negative quoad primam partem, et affirmat. quoad secundam; ad II, negat.; ad III et IV, negat. quoad primam partem, et affirm. quoad secund. et ampl.

216. NULLIUS, seu MESSANEN. *Juris convocandi synodum*, in qua ad sequens dub.

An archimandrita Messanensi competat jus convocandi synodum, in casu, etc.

Sacr. cong. Conc. die 5 Jun. 1758 respondit: Negat.

217. HORTANA, *Jurium parochialium*, in qua ad seq. dub.

I. An in ecclesiis confraternit. laicalium Terræ Suriani expleri possint functiones non parochiales et signanter celebrationis Missarum cum assistentia diaconi et subdiaconi independentem a parochis in solemnioribus earumdem ecclesiarum festivitibus.

II. An in dictis ecclesiis possint parochi peragere functiones tam parochiales, quam non parochiales, in requisitis officialibus et capellanis dictarum ecclesiarum.

III.... (Deest in edit. Matrit.)

IV. An occasione tumulationis defunctorum in dictis ecclesiis debeantur parochis omnia intortitia, et ceræ, seu potius debeatur sola quarta funeralis, in casu, etc.

Sacr. cong. Conc. die 5 Junii 1758 respondit: Ad I, affirmative; ad II, negative; ad III, affirmative quoad primam partem, et negative quoad secundam; ad IV, servetur solitum ad formam constitutionis sanctæ mem. Benedicti XIII.

218. EUGUBINA, *Servitii chori*, in qua ad seq. dub.

An constet de legitimo impedimento canonici Guiducci non accedendi ad cathedralem Horis vespertinis, ita ut eidem sit indulgenda exemptio a choro, in casu, etc.

Sacr. cong. Conc. die 23 Augusti 1758 respondit: Affirmative durante causa infirmitatis.

219. FULGINATEN. *Jurisdictionis*, in qua ad seq. dub.

An, et in quibus sit standum, vel recedendum a decisio, in casu, etc.

Sacr. cong. Conc. die 28 Septembris 1758 respondit: in decisio, et amplius.

220. BONONIEN. *Præcedentiæ*, in qua ad seq. dub.

I. An duodecim antiqui mansionarii constituant corpus, sive collegium distinctum a quatuor capellanis mansionariis nuncupatis de Boncompagni in casu, etc.

II. An dicti duodecim antiqui mansionarii eorumque successores ac coadjutores præcedere debeant dictis quatuor novis capellanis mansionariis nuncupatis de Boncompagni, tametsi anterioribus in receptione seu admissione, in casu, etc.

Sacr. cong. Concil. die 22 Novembris 1758 respondit: Affirmative ad utrumque, et amplius.

221. SANCTI SEVERINI, *Cathedratici*, in qua ad seq. dub.

An cathedraticum debeatur, in qua summa, et a quo tempore, in casu, etc.

Sacr. congreg. Concil. die 22 Novembr. 1758 respondit: Deberi in summa præscripta a Concilio Romano a die promulgatæ synodi an. 1755.

222. NULLIUS FARFEN. *Distributionum quotidianarum*, in qua ad seq. dub.

I. An canonicus absens ex causa studiorum teneatur ad penam punctaturarum indictam in statuto ecclesiæ contra non interessentes divinis Officiis, et quatenus affirmative.

II. An eadem pœna sit solvenda ex tertia parte fructuum ex indulto relinquenda, et repartienda interessentibus, et quatenus affirmative.

III. An onera adnexa canonicatui sint solvenda per canonicum absentem ex fructibus canonicatibus reliquarum duarum partium, sive potius ex dicta tertia parte in casu, etc.

Sac. congr. Concil. die 20 Decembris 1738 respondit: *Ad I et II, affirmative; ad III, dilata, et scribatur eminentissimo abbati pro meliori informatione juxta instructionem.*

223. AQUILANA, *Concionatoris*, in qua ad seq. dub.

I. An communitas Terræ Pizzuli in suis litteris patentibus nominationis concionatoris uti debeat verbis *N. N. nominamus, proponimus, vel presentamus*, non obstante prætena quasi possessione, et consuetudine etiam immemorabili apponendi verba *eligimus, et deputamus, et quatenus affirmative.*

II. An dictæ litteræ patentes ab eadem communitate concionatori tradendæ remanere debeant in cancellaria episcopali Aquilæ pro documento ipsius nominationis.

III. An iisdem concionatoribus per dictam communitatem nominatis, et presentatis episcopus debeat tradere suas litteras patentes approbationis, et electionis, in eisdem exprimendo, quod ipsi concionatores fuerint ab eadem communitate nominati.

IV. An dictæ litteræ patentes nominationis debeant exhiberi in cancellaria episcopali per totum mensem Novembris, et quatenus concionator non sit habilis, debeat eadem communitas alium nominare per totum mensem Decembris; alias, quod pro illa vice jus deputandi concionatorem libere devolvatur ad episcopum, in casu, etc.

Sac. congr. Concil. die 20 Decembris 1738 respondit: *In omnibus affirmative.*

224. SENOGALLIEN. *Juris sepeliendi*, in qua ad seq. dub.

I. An liceat ven. societati Sanctiss. Assumptionis et Rosarii civitatis Senogallie sepelire sine licentia reverendissimi capituli curati cathedralis ejusdem civitatis cadavera confratrum sibi eligentium sepulturam in ecclesia, seu oratorio ejusdem Societatis.

II. An capitulum curatum dictæ civitatis teneatur concedere licentiam sepeliendi cadavera etiam aliorum, licet non confratrum, qui sibi sepulturam elegerint in ecclesia societatis.

III. An in quocunque casu sepeliantur in ecclesia dictæ societatis cadavera tam confratrum, quam aliorum non confratrum, emolumenta ceræ, associationis, funeris, ac etiam depositi integre spectent ad capitulum curatum, vel potius in quâ rata, in casu, etc.

Sac. congr. Concil. die 24 Januarii 1739 respondit: *Ad I, affirmative; ad II, licentiam petendam esse ab episcopo; ad III, pro cadaveribus confratrum, et habentium sepulcrum gentilium spectare quantum funeralem tantum, pro aliis vero integre omnia emolumenta.*

225. AMALPHITANA, *Cathedratici, et procurationis*, in qua ad seq. dub.

I. An ab abbate ecclesie S. Mariæ Terræ Positani debeat cathedralicum archiepiscopo Amalphitano, in casu, etc.

II. An eidem archiepiscopo competat jus visitandi prædictam ecclesiam S. Mariæ, et quatenus affirmative.

III. An dicto archiepiscopo debeat procuratio, in casu, etc.

Sac. C. C. die 14 Martii 1739 respondit: *Affirmative in omnibus, et amplius.*

226. TOLENTINA, *Cathedratici*, in qua ad seq. dub.

An, in qua summa canonicus theologus solvere teneatur cathedralicum mensæ episcopali etiam

pro beneficiis unitis præbendæ theologali, in casu, etc.

S. C. C. die 14 Martii 1739 respondit: *Affirmative in summa præscripta a concilio Romano, et amplius.*

227. ROMANA, *Utensilium*, in qua ad seq. dub.

An augmentum usque ad scuta quatuor pro qualibet capellania debeatur ab hærede; seu potius a capellanis, in casu, etc.

Sac. C. C. die 11 Aprilis 1739 respondit: *Affirmative quoad primam partem, et negative quoad secundam.*

228. ACERNEN. *Distributionum quotidianarum, et Jubilationis*, in qua ad sequent. dub.

I. An canonico Philippo Ragone, attenta ejus infirmitate, debeantur distributiones quotidiana, et alia emolumenta, de quibus agitur, in casu, etc.

II. An sit locus jubilationi, et exemptioni a choro, et ad quem effectum, in casu, etc.

S. C. C. die 11 Aprilis 1739 respondit: *Ad I, affirmative exceptis distributionibus et emolumentis, quæ juxta testatorum voluntatem debentur tantum actu interessentibus; ad II, affirmative ad effectum obtinendi indultum juxta formam consuetam.*

229. TOLENTINA, *Servitii chori, et Missæ conventualis*, in qua ad sequent. dub.

I. An, quomodo, et quibus diebus in ecclesia collegiata S. Jacobi Tolentini celebrari debeat Missa cantata.

II. An in celebranda eadem Missa servari debeat turnus, et quatenus affirmative.

III. An idem turnus incipere debeat a priore, sive potius a canonico decano, et inde prosequi per alios canonicos.

IV. An præter canonicum hebdomadarium in dicta Missa cantata, et aliis Officiis debeant intervenire alii canonici, et quatenus affirmative.

V. An deficientibus ab hujusmodi interventu eisdem canonicis, sint ipsi multandi, et in qua summa.

VI. An prioratus dictæ collegiatae ecclesie sit dignitas, cujus qualitatis, et ad quos effectus.

VII. An convocatio capituli spectet ad priorem juxta constitutionem synodalem anni 1728.

VIII. An canonici antiquiores pro tempore collegiatae ecclesie in ordinibus sacris non constituti teneantur illos assumere.

IX. An iidem duo canonici antiquiores teneantur excipere fidelium confessiones, nec non priorem coadjuvare in administratione aliorum sacramentorum.

X. An teneantur etiam instruere pueros in doctrina Christiana, et quatenus affirmative, ad IX et X.

XI. An, ipsis deficientibus ab hujusmodi munere, teneatur prior eis contribuere annuam præstantiam quatuor rubrorum frumenti, et scutorum sex pro quolibet.

XII. An canonicus Rilli unus ex dictis duobus canonicis antiquioribus, et canonicus Joseph Pompili possint retinere capellaniam in ecclesia rurali S. Joseph cum onere ibi Missam celebrandi diebus festis, et respective munus organistæ exercere in ecclesia Sancti Nicolai.

XIII. An canonicus Joannes Bezzi alter ex canonicis antiquioribus valeat exercere munus confessorii monialium in monasterio Sanctæ Agnetis, in casu, etc.

S. C. C. die 16 Maii 1739 respondit: *Ad I, celebrandum esse juxta decretum Visitationis anni 1717; ad II, affirmative; ad III, negative quoad primam partem, et affirmative quoad secundam; ad IV, affirmative; ad V, affirmative quoad quantitatem arbitrio episcopi; ad VI, esse dignitatem ex comprehensis sub regula quarta cancellariæ ad effectus præeminentiales juxta ipsius collegiatae consuetudinem; ad VII,*

VIII, IX, affirmative; ad X, teneri ad coadjuvandum priorem in casu indigentia arbitrio episcopi; ad XI, affirmative, et in casu deficientia multandos esse judicio episcopi; ad XII, affirmative, dummodo satisfaciant servitio chori, et oneribus canonicatus; ad XIII, affirmative ut ad proximum.

230. OVETEN. *Coadjutoria et Distributionum*, in qua ad sequent. dub.

I. An durante tempore pœnalis servitii, et consequenter absentia canonici Francisci Sierra coadjutoris, residere valeat Joannes Joseph Florez canonicus coadjutus; et quatenus affirmative.

II. An residendo gaudere debeat diebus vacationis, seu recreationis nuncupatis *los dias de garcias*.

III. An eodem tempore durante, si ægrotaverit dictus Joannes canonicus coadjutus, habendus sit pro presente tempore infirmitatis, et possit lucrari distributiones, in casu, etc.

S. C. C. die 6 Junii 1739 respondit: *Ad I et II, affirmative; ad III, negative salvo jure agendi contra coadjutorem pro releatione.*

231. RAVENNATEN. *Distributionum quotidianarum*, in qua ad seq. dub.

I. An Clemens Grattarola cæremoniarum magister archiepiscopi Ravennaten, quando ratione sui officii assistit eidem archiepiscopo pontificalia exercet tam in ecclesia cathedrali, quam in aliis quibuscunque civitatis locis, ejusdem suburbii, nec non extra civitatem in locis suæ diocesis in actu visitationis, gaudere debeat distributionibus quotidianis, et quatenus negative.

II. An ex gratia indulgendum sit, ut dictas distributiones lucretur, in casu, etc.

S. C. C. die 1 Julii 1739 respondit: *Negative, ad utrumque in casu, de quo agitur, præter quam quando assistit archiepiscopo in cathedrali.*

232. GERUNDEN. *Exemptionis*, in qua ad seq. dub.

I. An episcopus procedere teneatur contra capitulares extra visitationem cum duobus adjunctis ad formam cap. 6, sess. 25, *De Refor.* et in visitatione cathedralis, dictionumque capitularium per seipsum duntaxat ad formam cap. 4, sess. 6, *De Ref.*, in casu, etc.

II. An dictus episcopus in atrocibus procedere possit etiam sine adjunctis contra dictos capitulares, seu potius contra eosdem procedere debeat episcopus Vicensis, in casu, etc.

III. An occasione visitationis capituli, et cathedralis episcopus eam terminare teneatur quam citius, nisi fuerit legitime impeditus, seu potius, postquam fuit incepta, procedendo ad extraneos actus, eandem ad libitum differre valeat, in casu, etc.

IV. An dictum capitulum subjiciatur constitutionibus synodalibus, sive aliis legibus etiam per edicta banditis ab episcopo, absque illius consilio, et assensu, vel potius editis cum illius consilio tantum, in casu, etc.

S. C. C. die 19 Decembris 1739 respondit: *Ad I, negative; ad II, affirmative quoad primam partem, et negative quoad secundam; ad III, affirmative quoad utramque partem, servatis tamen finibus moderati, et prudentis arbitrii, et amplius; ad IV, affirmative ad primam partem, et negative ad secundam et amplius.*

233. GERUNDEN. *Jurisdictionis*, in qua ad seq. dub.

An quoad III et IV dubium sit standum, vel recedendum a decisio die 12 Februarii 1729, in casu, etc.

S. C. C. die 19 Decembris 1739 respondit: *Ad III, prævio recessu a decisio quoad ecclesiam cathedralem, et capitulum affirmative in omnibus; ad IV, prævio pariter recessu a decisio affirmative.*

234. CALAGURITANA, et CALCEATEN. *Residentia*, in qua ad seq. dub.

I. An episcopus teneatur saltem diebus præ-

scriptis a S. concilio Trident. sess. 23 *De Refor.*, cap. 1, residere in alterutra ex cathedralibus, ibique sacras functiones explere, et quatenus, affirmative.

II. An, et quibus pœnis subjiciendus sit in casu non residentia.

III. An, et quomodo sit concedendam novam Indultum saltem ad cautelam in casu, etc.

S. C. C. die 3 Septembris 1740 respondit: *Teneri, et concedendum esse indultum ad biennium juxta mentem.*

235. Parochus ruralis non est proprius, et verus parochus, quando rus itur causa recreationis, vel pro rusticis negotiis, ideoque matrimonium valide coram hujusmodi parochio celebrari non potest, sacr. congreg. Concil. 1 Decembr. 1740.

236. MARSICEN. *Oratorii*, in qua ad seq. dub.

I. An in privato oratorio, de quo agitur, celebrari possit Missæ sacrificium in absentia domini, ac presente sola familia.

II. An sustineatur sententia suspensionis oratorii lata ab episcopo Marsicen., in casu, etc.

S. C. C. 3 Decembris 1740 respondit: *Ad I, negative; ad II, affirmative, et ad mentem.*

237. LARINEN. in qua ad seq. dub.

I. An erectio ecclesie Sanctæ Agathæ in vicariam, et parochialem perpetuam facta sub die 5 Julii in executionem resolutionis S. Congr. sustineatur in casu, etc., et quatenus negative.

II. An, et quomodo ad illam sit deveniendum, in casu, etc.

III. An P. abbas S. Mariæ Tremitarum teneatur subministrare vicario curato deputando suppellectilia, et alia necessaria pro exercitio curæ.

IV. An, a quo, et in qua summa sit subministranda congrua eidem vicario, in casu, etc.

V. An cedulones suspensionis a divinis relaxati per provicarium generalem Larinen. sub die 22 Augusti, et publice affixi contra rev. P. vice-abbatem Tremitarum sustineantur in casu, etc.

S. C. C. die 15 Aprilis 1741 respondit: *Ad I, negative; ad II, deveniendum esse ad erectionem juxta modum explicandum ab eminentissimo præfecto; ad III, affirmative; ad IV, subministrandam esse a monasterio in annua summa ducatorum sexaginta, ad V, negative.*

238. PAMPILONEN. *Juris quæstuidi*, in qua ad sequent. dub.

I. An syndico ven. conventus S. Francisci Min. Observantia civitatis Estellæ liceat quæsturare elemosynas, et oblationes etiam pecuniarias pro defunctis cum retentione disci in ecclesia parochiali Sancti Joannis dictæ civitatis, et quatenus affirmative.

II. An id competat privative etiam quoad administratores sæculares dictæ parochialis ecclesie, in casu, etc.

S. C. C. die 6 Maii 1741, respondit: *Ad I, negative; ad II, provisum in primo, et amplius.*

239. TARRACONEN. *Ordinationis*, in qua ad seq. dub.

An coadjutores alicujus dignitatis, vel canonicatus cum futura successione, tam in casu, quo ipsis congrua portio, aut pensio per coadjutum assignetur ex fructibus præbendæ ejusdem dignitatis, vel canonicatus, quam in casu, quo congruam portionem sibi assignatam habeant ex propriis, vel alterius patrimonialibus bonis, donec per obitum coadjuti fiat locus eorum successioni ad dictam dignitatem, seu canonicatum, licite possint ab episcopo, in cujus diocesi sunt tituli ejusmodi beneficiorum residentialium, sine litteris dimissorialibus episcopi suæ originis, vel præcedentis domicilii, ad ordines promoveri.

S. C. C. die 1 Julii 1741 respondit: *Coadjutoriam canonicatus, vel dignitatis sufficere, ut coadjutor dicatur habere domicilium requisitum in*

constitutione Innocentii XII incip. Speculatores.
240. FULGINATEN. Jurisdictionis, in qua ad seq. dub.

I. An facultas data canonico Goga tanquam iudici conservatori procedendi per unam diem ultra confinia diocesis Perusinae sustineatur in casu, etc., et *quatenus* negative.

II. An Breve confirmatorium deputationis comprehendat hujusmodi facultatem, et *quatenus* negative.

III. An sit locus relaxationi censurarum, in casu, etc.

S. C. C. die 1 Julii 1741 respondit: *Ad I et II, negative; ad III, ad mentem et amplius.*

241. ROMANA, Fructuum canonicatus, in qua ad seq. dub.

I. An, et a quo tempore fructus canonicatus debeantur, in casu, etc.

II. An rata dictorum fructuum percepta in primo anno sit restituenda, in casu, etc.

S. C. C. die 22 Julii 1641 respondit: *Ad I, deberi a die captæ possessionis; ad II, provisum in primo et amplius.*

242. CELSONEN. in qua ad seq. dub.

I. An communitas presbyterorum, et sodalitas defunctorum erectæ in ecclesia Sanctæ Eulaliæ Villæ Bergæ valeant absque licentia Ordinarii acceptare legata, aliaque pia relicta sub perpetuo onere Missarum, anniversariorum, et similibus.

II. An prædicta loca pia possint pariter absque licentia Ordinarii facere investmenta pecuniarum provenientium ex retrovenditione censuum in illis similibus censibus, et investmentis, et *quatenus* negative ad utrumque.

III. An idem Ordinarius teneatur dictam licentiam gratis, et absque ullo emolumento assertæ scripturæ, et asserti laboris notarii, seu cancellarii concedere, et sit statuendus terminus ad illam concedendam, in casu, etc.

S. C. C. die 22 Julii 1741 respondit: *Ad I et II, negative; ad III, affirmative ad primam partem, et quoad secundam statuendum esse terminum 20 dierum, et amplius.*

243. CAMERINEN. Utensilium, in qua ad seq. dub.

I. An capellani, et alii sacerdotes etiam canonici celebrantes in ecclesia collegiata S. Mariæ Terræ Matelicæ pro adimplendis oneribus Missarum propriis capellaniis, vel sibi ipsis alio titulo, quam ratione canonicatus incumbentibus teneantur contribuere sacristiæ dictæ ecclesiæ pro sacris suppellectilibus, et *quatenus* affirmative.

II. Quænam taxa sit servanda, in casu, etc.

S. C. C. die 9 Septembris 1744, respondit: *Ad I, affirmative; ad II, servandam esse taxam juxta morem regionis.*

244. SPOLETANA, Juris quæstionandi, in qua ad seq. dub.

I. An liceat PP. S. Antonii Viennensis, eorumque præsentatis, commissariis, quæstoribus, affectuariis, patentatis, aliisque ipsorum ministris, seu officialibus quæsturare in terra, et territorio Hispellis, cæterisque locis diocesis Spoletanæ, et *quatenus* affirmative.

II. An id fieri possit absque licentia ordinarii civitatis Spoleti.

III. An sit locus restitutioni eleemosynarum, aliarumque oblationum perceptarum post præceptum reverendissimi episcopi, in casu, etc.

S. C. C. die 25 Septembris 1741, respondit: *Ad I, negative; ad II, provisum in primo; ad III, affirmative.*

245. VITERBIEN. in qua ad seq. dub.

I. An confratres Orationis et Mortis civitatis Vetule quomodolibet intimati interesse teneantur processibus Sanctiss. Rosarii tam in prima Dominica cujuslibet mensis, quam in prima Dominica Octobris.

II. An liceat dictæ confraternitati Orationis et Mortis levare cadavera quomodolibet mortuorum, sive in civitate, sive in navibus, sive in campestribus irrequisito parochio.

III. An confratres ejusdem confraternitatis requisiti a parochio, ut eum associent ad levandum, et deferendum aliquid ex supradictis cadaveribus, ipsi accedere, et associare teneantur, etc., et in casu renuentiæ.

IV. An parochus possit invitare unam ex aliis confraternitatibus.

V. An liceat eisdem confratribus, ipsorum vexillum apponere in capite feretri præsentis cruce parochi, seu potius illud dimittere in ingressu, et in angulo ecclesiæ.

VI. An liceat capellanis confraternitatum dictæ civitatis tam in processibus per eam peragentibus, quam in associatione cadaverum tumulandorum in eorum ecclesiis, quam in parochiali, seu aliis, deferre stolam præsentibus parochio, vel viceparochio.

VII. An parochus possit subrogare viceparochum in associatione cadaverum tumulandorum sive infra, sive extra parochialem; et *quatenus* affirmative.

VIII. An ipso quomodolibet impedito faciendum sit funus supra dictis cadaveribus a viceparochio cum solita participatione emolumentorum.

IX. An sit observanda transactio approbata a clar. mem. card. S. Cruce, et *quatenus* affirmative.

X. An in casu etiam alterius impedimenti parochi præter expressa in primo capitulo dictæ transactionis servanda sit eadem dispositio, et debeat parochus rationem reddere confraternitati Orationis et Mortis de suo impedimento.

XI. An liceat eidem confraternitati dirigere, et peragere processionem B. Virginis Septem Dolorum extra ambitum suæ ecclesiæ, et liceat ejus capellano benedicere populum irrequisito parochio, num ipse intervenire et benedicere velit, et *quatenus* parochus intervenire nolit.

XII. An saltem requiratur ejus licentia.

XIII. An benedictio populo impertienda cum augustissimo Sacramento occasione illius expositionum faciendarum in ecclesia dictæ confraternitatis volente parochio, danda sit per ipsum, sive potius per capellanum dictæ confraternitatis in casu, etc.

S. C. C. die 16 Decembris 1741, respondit: *Ad I, affirmative, quatenus invitentur per schedulam; ad II, negative, ad formam sententiæ Ordinarii; ad III, affirmative ad formam dictæ sententiæ; ad IV, affirmative; ad V, negative ad primam partem; ad VI, affirmative; ad VII, VIII, IX et X, servandam esse concordiam, et in casu interventus parochi, deberi solita emolumenta; ad XI, affirmative de licentia episcopi; ad XII, satis provisum; ad XIII, affirmative ad formam concordie.*

246. GADICEN. seu HISPALEN. Ordinationis, in qua ad seq. dub.

I. An sacerdos Joseph Franciscus Zuniga potuerit a quocunque antistite licite ordinari cum dimissoriis magni prioris religionis Hierosolymitanæ regni Castellæ, seu Commendatoris de Acre, aut alterius superioris Ordinarii dictæ Commendæ, vel potius illicite, ita ut incurrerit suspensionem, et *quatenus* affirmative quoad secundam partem.

II. An sit locus dispensationi ad cautelam, seu, an, et quomodo sit providendum, in casu, etc.

S. C. C. die 20 Januarii 1742, respondit: *Sacerdotem Zuniga fuisse illicite ordinatum, et incurrisse suspensionem, ob non servatam formam Bullæ Speculatores ac proinde indigere absolutione, et ad episcopum Gadicensem pro facultate absolvendi ejus arbitrio.*

247. SABINEN. Jurium parochialium, in qua ad seq. dub.

I. An, et per quantum tempus, junctis interpolatis absentia vicibus, liceat parochio quolibet anno abesse a parochia.

II. An pro tempore absentia teneatur relinquere substitutum.

III. An, et per quantum tempus, junctis interpolatis absentia vicibus, liceat canonicis quolibet anno abesse a residentia.

IV. An pro tempore absentia teneatur relinquere substitutos.

V. An parochus præsens, et non impeditus nec in aliis exercitiis parochialibus occupatus, debeat per seipsum exercere munia parochialia.

VI. An concurrente necessitate assistendi infirmo de tempore exercitiorum parochialium in ecclesia spectet ad parochum assistentia præstanda infirmo, seu potius ad canonicos.

VII. An in solemnitatibus incidentibus in die, quo spectat ad canonicos jus canendi missam etiam solemnem, competat parochio jus dictam Missam canendi, et *quatenus* affirmative.

VIII. An sit præstanda parochio eleemosyna, quæ competit canonicis.

IX. An idem jus canendi Missam etiam solemnem in aliis festis minus solemnibus, tam de præcepto, quam ex devotione cujuscumque in diebus spectantibus ad canonicos spectet ad parochum, et *quatenus* affirmative.

X. An eidem parochio sit præstanda eleemosyna.

XI. An parochus singulis diebus festis teneatur sacrificium applicare pro populo.

XII. An canonicis subrogantibus alium presbyterum in eorum locum, jus competat parochio celebrandi seu officandi in exclusionem dicti substituti, et *quatenus* affirmative.

XIII. An eidem parochio competat eleemosyna, seu emolumentum.

XIV. An sit facienda repartitio Officiorum, seu Anniversariorum, quæ celebrantur per confraternitates, vel confratres, vel ex quæstuationibus, ita ut distribuantur æqualiter in diebus, quibus spectant ad parochum, et canonicus cantus Missæ, seu potius competat parochio ita ut celebrentur in suis diebus.

XV. An quando canenda est Missa solemnis, vel minus solemnis pro defuncto præsentem cadavere in die fusto etiam solemniter occurrente in diebus, quibus spectat ad canonicos jus canendi Missam, spectet ad parochum canere dictam missam de Requiem pro defuncto, et aliam solemnem, vel minus solemnem ad canonicos, et *quatenus* affirmative.

XVI. An eidem parochio, seu potius canonico danda sit eleemosyna supradictæ Missæ de Requiem, quando nulla adsit eleemosyna pro alia Missa de Sancto in casu, etc.

S. C. C. die 10 Martii 1742, respondit: *Ad I, licere tantum juxta dispositionem sacr. Concilii Tridentini; ad II, affirmative arbitrio eminentissimi episcopi; ad III, servandam esse etiam quoad canonicos dictam dispositionem Tridentini; ad IV, arbitrio eminentissimi episcopi; ad V, affirmative; ad VI et reliqua ad eminentissimum episcopum cum facultatibus necessariis et opportunis etiam concordandi.*

248. FIRMANA, Concionatoris, in qua ad seq. dub.

I. An concionatores ordinis Eremitarum S. Augustini, qui per turnum eliguntur a communitate in castro Sancti Angeli in Pontano, ultra benedictionem, teneantur etiam petere approbationem a reverendissimo archiepiscopo, et *quatenus* affirmative.

II. An dicti concionatores teneantur se præsentare coram vicario foraneo locali, et docere tam de dicta approbatione, quam de benedictione.

III. An, et de quibus eleemosynis, quæ recipiuntur occasione concionum Adventus, et Quadragesimæ idem vicarius foraneus valeat exigere rationem, in casu, etc.

S. C. C. die 21 Aprilis 1742, respondit: *Ad I,*

affirmative in casu, de quo agitur; ad II, affirmative; ad III, vicarium foraneum certiorum fieri debere de eleemosynis, quæ colliguntur pro subsidio Terræ Sanctæ, Redemptionis Captivorum, hospitali, et suffragio animarum purgantium tantum.

249. FERETRANA, Juris sepeliendi, in qua ad seq. dub.

I. An vener. monasterio Monialium S. Claræ Terræ Maceratæ Feltriæ liceat sepelire in ejus ecclesia cadavera puellarum educationis causa ibidem commorantium, et in eodem monasterio decedentium; et *quatenus* negative.

II. An sit restituendum parochio ejusdem Terræ cadaver Annæ Bartoli educationis causa in dicto monasterio degentis, ibique defunctæ, et sepultæ, sive saltem facienda sit declaratio de ea retinenda nomine parochiæ.

III. An eidem parochio restituenda sint una cum cera integra emolumenta funeris ejusdem Annæ Bartoli, in casu, etc.

S. C. C. die 21 Aprilis 1742, respondit: *Ad I, affirmative, constito de electione sepulture; ad II, negat.; ad III, deberi quartam funeralem tantum.*

250. SPOLETANA in qua ad seq. dub.

I. An cadaver baronis Francisci Mariæ de Pretis tumulatum in ecclesia Patrum congregationis Oratorii civitatis Spoleti sit restituendum, in casu, etc.

II. An omnia emolumenta funeris dicti baronis de Pretis sint restituenda, in casu, etc.

S. C. C. die 21 Julii 1742 respondit: *Negative ad utrumque, et amplius.*

251. FIRMANA, Concionatoris, in qua ad seq. dub.

An quoad primum, et secundum dubium sit standum, vel recedendum a decisio, in casu, etc.

S. C. C. die 11 Augusti 1742 respondit: *In decisio, et amplius.*

252. ALEXANEN. in qua ad seq. dub.

I. An episcopus Alexani participare possit de massa communi capituli ecclesiæ cathedralis, et *quatenus* affirmative.

II. An, et quæ onera ejusdem massæ idem episcopus subire teneatur.

III. An sumptus litium, quæ prævia conclusione capitulari introducuntur, detrahi possint ex massa communi ante illius divisionem inter capitulares; et *quatenus* affirmative.

IV. An portio episcopi immunis esse debeat a sumptibus litium, quæ contra ipsum intentatæ fuerint, et *quatenus* affirmative.

V. An cogendum sit capitulum ad reintegrandam partem episcopi de expensis dictarum litium usque adhuc detractis ab eadem massa, in casu, etc.

VI. An eleemosynæ pro Missis cantatis defunctorum præsentem cadavere, et pro anniversariis adventitiis distribuendæ sint inter solos præsentem, vel potius ad instar distributionum quotidianarum, in casu, etc.

VII. An, et quæ portio debeatur episcopo de eisdem eleemosynis, etsi non intersit choro.

VIII. An episcopus possit participare de emolumentis anniversariorum perpetuorum de præcepto testatorum canonicis præsentibus distribuendis, in casu, etc.

IX. An edictum ab episcopo latum, quo sub variis pœnis fuit interdicta anticipata Missarum satisfactio, sustineatur, in casu, etc.

X. An idem episcopus possit sibi ipsi applicare multas, et *quatenus* negative.

XI. An episcopus possit applicare easdem multas fabricæ ecclesiæ, in casu, etc.

XII. An constet de inobservantia taxæ Innocentianæ in curia episcopali Alexani quoad collationem beneficiorum, et ordinum, et executionem dispensationum matrimonialium, et *quatenus* affirmative.